

JOANJNÊ papia ñamataña

“Joanñê papia ñamataña” nec ñac tau keto kêtú ñam kapôên luagêcña. Tenj gebe êkêli lausêsamwaga gebe sêmbinj taunj tônj taminj Anôtô agêc Latu Jesu Kilisi, go tenj gebe ênam la êsêac gebe sejop taunj êndênj mêtê-geowaga. Embe têtanduguc êsêacnênj mêtê geo, oc êkac êsêac su anja Anôtô agêc Kilisi nênj. Mêtê keso ñam kêsêp lau, tañ seboç tamoa nom nec sec, tec têtônj gebe Anôtônê Latu Jesu mênjkêtu ñamalac ñanô atom. Kedônjwaga dansañ tonañ sêsôm gebe ñamalac sêmoa nom nec, kêtú sec ñamanô tau. Takôninj nênj dabe tamoa matenj jalina tônj acgom, go amboac tajam taunj kêsigac. Go lau tonañ têtônj binj keso amboac tec gêwinj seboç Anôtô ênam lau kêsina gêjac lênj mansañ to têtac êwinj taunja ñawae atom.

Joan tec gesenj binj keso tonañ ñai ma gêwa Jesu kêtú ñamalac ñanô ñabinj sa gêc awêgenj, go kêtúwaka binj tonec sa gêc awê gêwinj gebe lau samob, tañ sêkênj gêwinj Jesu to têtac gêwinj Anôtô nanj, têtac êwinj elom tau amboac tonanjenj.

Ñadênanj

1. Joan gêjac m papia tau 1:1-4
2. Ñawê to ñakesec 1:5-2:29
3. Anôtônê ñapalê to Sadañne ñapalê 3:1-24
4. Binjanô to binjdansañ 4:1-6
5. Têtac êwinj launja gêjac samob ñawae 4:7-21
6. Takênj gêwinj ñanô kêtú gênj nomña samob tulu 5:1-21

Biñ tañ kêtú danğôñ matêñ jali ñañamôkê

¹ Aêac ato gêdêñ amac kêpi biñ, tañ kêtú danğôñ maten jali ñañamôkê nan. Biñ tau tonan gêmoa gêdêñ Anôtô kékêñ undambê to nom atomgen. Aêac anô biñ tau to alic ña matenjanô. Aêac asala to ma lemeñ amoasac biñ tau.

² Maten jali ñañamôkê geoc tau lasê, tec aêac alic to awa sa ma asôm lasê gêdêñ amac. Maten jali ñañamôkê tengeñña tau gêmoa gêwiñ Tama ma geoc tau lasê gêdêñ aêac.

³ Biñ tañ alic to anô nan, aêac asôm lasê gêdêñ amac amboac tonanğen, gebe êmbiñ aêac tôñ tapi tagen dawin Tamenji agêc Latu Jesu Kilisi.

⁴ Aêac ato biñ tonan gebe têntac ñajam ênac dabiñ tau.

Anôtô en ñawê

⁵ Ñawae tañ aêac anô anğa ênê ma asôm lasê gêdêñ amac nan, biñ tau tonec gebe Anôtô en ñawê, ma ñakesec ten gêc enña atomanô.

⁶ Aêac embe tasôm gebe aêac to en dabiñ tañ tôñ tapi tagen, mago embe tasa lêñ ñakesecña, oc tansau biñdansañ ma danğôm biñjanô tau ñanô êsa atom.

⁷ Aêac embe tasa lêñ ñawêña amboac en tau gêmoa ñawê ñalêlôm, go aêac tañ dambiñ tañ tôñ ma Anôtônê Latu Jesu nê dec êkwasiñ aêacnêñ sec samob su tatu selec.

⁸ Aêac embe tasôm gebe nêñ sec masi, oc tansau tañ ma biñjanô ênêc aêacnêñ ñalêlôm atom.

⁹ Ma embe daoc nêñ sec lasê, oc ñac ñañêñ to gêdêñ tau êsuc aêacnêñ sec ôkwi ma êkwasiñ aêacnêñ biñ geo samob su tatu selec.

¹⁰ Aêac embe tasôm gebe dagôm sec atom, oc takêñ Anôtô êtu dansañtêna, ma ênê biñ ênêc aêacnêñ ñalêlôm atom.

2

Kilisi kêtú aêacnêñ gêjamsawaga

¹ O ñoc gêñac, aê kato biñ tonec gêdêñ amac gebe anğôm sec atom. Mago ñac teñ embe êngôm sec, go ñac gêdêñ Jesu Kilisi tau êtu aêacnêñ ênam-awenwaga êndêñ Tama.

² Ñac tau kêkêñ tau kêtú da kêtú aêacnêñ secña. Mago kêtú aêac taunğen nêñ secña atom, kêtú lau nomña samob nêñ secña.

³ Aêac embe tamansañ Anôtônê biñsu, go êwa aêac sa gebe tajala enğac.

⁴ Teñ embe êsôm gebe “Aê kajala enğac,” mago êmansañ ênê biñsu atom, nañ en dansañtena, ma biññanô gêc ênê ñalêlôm atom.

⁵ Ñac tañ kêmasañ Anôtônê biñ nañ, gêjac dabinê têtac gêwiñ enña tonjanôğen.

⁶ Biñ tonañ gêwa aêac sa gebe Anôtô gêbiñ aêac tôñ. Ñac tañ kêsôm gebe “Anôtô gêbiñ aê tôñ” nañ, êsa nê lêñ êtôm Kilisinê lêñ.

Biñsu wakuc

⁷ O lauace, aê kato biñsu wakuc teñ gêdêñ amac atom, biñsu langwa, tañ akôc gêdêñ gêmunğen. Biñ tañ anô su nañ, biñsu langwa tau tonañ.

⁸ Mago aê kato biñsu wakuc teñ, tañ ñanô kêsa kêpi Kilisi to amac nañ, gebe ñakesec gê su ma ñawê tau mênkêpoa lasêgac.

⁹ Njac tanj kêsôm gebe “Aê gamoa njawê njalêlôm” mago têtac gedec nê lasitêwai nanj gêmoa njakesec njalêlôm e mênghêdên galoc.

¹⁰ Njac tanj têtac gêwiñ nê lasitêwai nanj, gêmoa njawê njalêlôm ma nê binj êwa lakô lauņa tenj gêc ênê njalêlôm atom.

¹¹ Mago njac, tanj têtac gedec nê lasitêwai nanj, gêmoa njakesec njalêlôm ma kêsa lênj njakesecņa. Enj gêjam kauc gamênj, tanj gebe êna nanj, gebe njakesec gêgôm enj matapec kêsa.

¹² O njoc gênjac, aê tec kato gêdênj amac nec, njam gebe nê m sec gêjanjagac kêtû Jesunê njaêņa.

¹³ O tamenjac, aê kato gêdênj amac, njam gebe ajala enj, tanj gêmoa gedenj Anôtô kêkênj undambê to nom atomgenj nanj. O lau matakac, aê kato gêdênj amac, njam gebe aku njac sec tau tulu su.

¹⁴ O njapalêac, aê kato binj gêdênj amac, njam gebe ajala Tamemi su. O tamenjac, aê kato binj gêdênj amac, njam gebe ajala enj, tanj gêmoa gêdênj Anôtô kêkênj undambê to nom atomgenj nanj. O lau mat-acac, aê kato binj gêdênj amac, njam gebe atu lau njajanjagac ma Anôtônê binj gêc amacnê m njalêlôm, tec aku njac sec tau tulu su.

¹⁵ Têmtac êwiñ nom to gêñ nomņa samob atom. Tenj embe têtac êwiñ nom, nanj oc têtac êwiñ Tama atom.

¹⁶ Gêñ nomņa samob, ôlinj njakalac to matenj kalac ma gêñ tetoc tauñ saņa nanj anja Tamenjinê atom, anja nomņagenj.

¹⁷ Nom to njagêñlêlôm njakalac oc ênaņa, ma njac tanj êmansañ Anôtônê binj nanj, oc êmoa endenj tôñgenj.

Kilisinê njacjosêga

18 O ñapalêac, têm ñamuña mênkêsa su. Amac anô gebe Kilisinê ñacjosêga oc êmên, ma galoc Kilisinê ñacjosêga taêsam sêmoa. Biñ tonañ gêwa sa gêdên aêac gebe têm ñamuña mênkêsa su.

19 Lau tonañ sêsa anga aêacnên, mago têtú aêacnên ñagêdô ñanô atom. Embe aêacnên ñagêdô ñanô êsêac, oc semoa sêwiñ aêac sêmoa. Mago sêwi aêac siñ tec gêwa sa gebe êsêac samob têtú aêacnên ñagêdô ñanô atom.

20 Mago ñac dabuñ geñ oso amac, tec ajala biññanô tau.

21 Aê kato gêdên amac kêtú asageña. Kato gebe amac ajala biññanô atom me. Masigoc. Kato gebe ajala biññanô tau su ma ajala gebe biñdansañ teñ kêsa anga biññanôña atom.

22 Dansañtêna tau asa. Ñac tañ gêsa Jesu auc gebe eñ Kilisi atom. Ma Ñac tañ gêsa Tama agêc Latu auc nañ, eñ Kilisinê ñacjosêga tau.

23 Lau samob, tañ sêsa Latu auc nañ, sêwê kain Tama atom. Ma samob, tañ sêsôm Latu lasê nañ, sêwê kain Tama sêwiñ.

24 Biñ tañ gemuñgeñ anô nañ, ênêc nêm ñalêlôm. Biñ tañ gêmuñgeñ anô nañ, embe ênêc nêm ñalêlôm, go Tama agêc Latu oc sêmbiñ amac têtú.

25 Ma biñ tau, tañ gêjac mata gêdên aêac nañ, tonec gebe danğôn maten jali teñgeñ.

26 Aê kato biñ tonañ gêdên amac kêpi êsêac, tañ sebe sêwê amac ajô nañ.

27 Amboac tonañ apô lêna ñac êndôn amacña teñ atom. Ñalau Dabuñ kêdôn amac gêñ samobña gêmoa. Ma biñ tau tonañ biñdansañ atom, biññanô.

Amboac tonañ asap Kilisi tñj êtôm biñ, tañ Nalau kédñj amac nañ.

²⁸ O ñoc gêñac, galoc tonec asap eñ tñj, ec ñac tau embe eoc tau lasê, nañ tamoa totêntac êpa sugen ma êñgôm aêac majen êsa êndênj noc êmu êmênja atom.

²⁹ Embe nê m kauc êsa gebe eñ ñac gêdênj, go ajala gebe lau samob, tañ sêgôm biñgêdênj nañ, têt u Anôtônê ñapalê.

3

Aêac tatu Anôtônê ñapalê

¹ Alic acgom, Tamenj têtac gêwiñ aêac kainj ten ñanô, tec kêsam aêac gebe Anôtônê ñapalê. Ma aêac tatu ênê ñapalê biñanógoc. Lau nomja tec sêjam kauc aêac, gebe sêjala eñ atom.

² O lauace, galoc tatu Anôtônê ñapalêgac. Mago êtu ñamu aêac oc tamoa amboac ondocgenj. Biñ tonañ geoc tau lasê gêdênj aêac atom tagenj. Biñ tonec tec tajalagac gebe Kilisi embe eoc tau lasê, go tatôm eñ tau, gebe aêac talic eñ lanôanô.

³ Ma lau samob, tañ sêkênj maten eñ nañ, sêmansañ tañj têt u selec, têtôm eñ tau kêt u selec.

⁴ Lau samob, tañ sêgôm sec nañ, sesenj Anôtônê biñsu. Sec tau ñam gebe dansenj Anôtônê biñsu.

⁵ Amac ajalagac gebe Kilisi geoc tau lasê gebe êkôc sec su. Ma sec tenj gêc enja atom.

⁶ Lau samob, tañ Kilisi gêbiñ êsêac tñj nañ, sêgôm sec atom. Lau samob, tañ sêgôm sec nañ, sêlic eñ atom to sêjala eñ atom.

⁷ O ñoc gêñac, ajôp taôm gebe tenj êwê amac ajô atom. Nac tañ gêgôm gênj gêdênj nañ, eñ ñac gêdênj, kêtôm Kilisi tau eñ ñac gêdênj.

⁸ Nac tañ gêgôm sec nan, en anga Sadañnê, gebe Sadañ tau gêjac m sec gêdên andanjen napan e galoc. Anôtônê Latu geoc tau lasê gebe ensen Sadañnê kôm su.

⁹ Nac tañ kêtû Anôtônê napanê nan, gêgôm sec atom, gebe Anôtônê nyclai kêsêp ênê njalêlôm. En kêtôm gebe êngôm sec atom, gebe kêtû Anôtônê napanê.

¹⁰ Bin tonec gêwa Anôtônê napanê to Sadañnê napan sa gebe Lau samob, tañ sêgôm gên gêdên atom to têtac gêwiñ lasitêwai atom nan, Anôtônê napanê êsêac atom.

Bin takên têtac êwiñ elom tauñña

¹¹ Jaen tañ amac anô gêdên andanjen nan, gebe takên têtac gêwiñ elom tau.

¹² Aêac tatôm Kain atomman. En anga nac sec nê, tec gêjac lasi êndu. Gêjac en êndu nam amboac ondoc. Nam tonec gebe êna lên sec, ma lasinê lên gêdên.

¹³ O lasitêwaac, lau nomña embe têtac endec amac, nan atakê atom.

¹⁴ Aêac têtac gawiñ lasitêwai, tec gêwa ea gêdên aêac gebe dawî gêmacanô sin ma talom dangôn maten jalinã. Nac tañ têtac gêwiñ atom nan, gacgen gêmoa gêwiñ gêmacanô.

¹⁵ Nac tañ têtac gedec lasitêwai nan, kêtû nac-gêjac-namalacênduwaga. Amac ajalagac gebe nacgêjac-namalac-ênduwaga oc êwê kain êngôn mata jali tenjenña atom.

¹⁶ Kilisi kêkên tau gêjo aêac su, tec gêwa têtac gêwiñ nam sa gêdên aêac. Amboac tonan aêac takên taun tajô lasitêwai tanac nawaejen amboac tonan.

17 Nac tenj embe nê awa nomña ênêc ma êlic nê lasitêwai sêpô lêna tauñ, mago nê ñalêlôm ñadani êndênj êsêac, nanj têtac êwiñ Anôtôña ênêc ênê ñalêlôm amboac ondocgenj.

18 O ñoc gêñac, aêac têtac êwiñ ña biñ to ña awensuj ñaôma atom têtac êwiñ ñanôgenj to ñakolenj êwiñ acgom.

Takô Anôtô lañônêm totêntac êpa sugenj

19 Biñ tonec êwa sa êndênj aêac gebe aêac anja biññanôña, ma takô Anôtônê lañônêm tonênj ñalêlôm malô.

20 Nênj ñalêlôm embe êmêtôc aêac, go tajala gebe Anôtô enj ñac kapôênj kêlêlêc aêacnênj ñalêlôm su ma kêjala gêñ samob.

21 O lauace, aêacnênj ñalêlôm embe êmêtôc aêac atom, nanj takô Anôtô lañônêm totêntac êpa sugenj.

22 Ma embe tatenj gêñ tenj, oc takôc ñanô su anja ênê, gebe aêac tamasanj ênê biñsu ma dagôm gêñ, tanj gêjac enj mataanô ñajam nanj.

23 Ma ênê biñsu tau tonec gebe takênj êwiñ ênê Latu Jesu Kilisi nê ñaê ma takênj têtac gêwiñ elom tau êtôm biñsu, tanj kêkênj gêdênj aêac nanj.

24 Nac tanj kêmasanj ênê biñsu nanj, Anôtô gêbiñ ñac tau tôñ gêmoa gêwiñ enj. Anôtô kêkênj Nalau gêdênj aêac, tec gêwa sa gebe Anôtô gêbiñ aêac tôñ.

4

Anôtônê Nalau ma Kilisinê ñacjosêganê ñalau

1 O lauace, propete dansanj taêsam mênjsêsa dêdênj ñamalac, tec akênj êwiñ ñalau samob atom. Ansaê ñalau acgom e ajala oc anja Anôtônê me masi.

² Amac ajala Anôtônê Nalau êndêñ biñ tonec gebe Nalau tañ êsôm lasê gebe Jesu Kilisi kêtü ñamalac nañ, eñ aña Anôtônê.

³ Ma ñalau, tañ êsôm biñ tonañ lasê êpi Jesu atom nañ, aña Anôtônê atom. Eñ Kilisinê ñacjosêganê ñalau. Amac aña su gebe oc êmêñ ma galoc gêmoa nom sugac.

⁴ O ñoc gêñac, amac aña Anôtônê, tec aku ñacjo tulu su, gebe Nalau tañ gêmoa gêwiñ amac nañ, ñajaña kêlêlêc ñalau, tañ gêmoa gêwiñ lau nomña nañ su.

⁵ Êsêac aña nom. Kêtu tonañña êsêac sêsôm biñ nomña ma lau nomña sêkêñ tañeñ êsêac.

⁶ Aêac aña Anôtônê. Nac tañ kêjala Anôtô nañ, kêkêñ taña aêac. Nac tañ aña Anôtônê atom nañ, kêkêñ taña aêac atom. Biñ tonañ gêwa Nalau biññanôña to ñalau dansañña sa gêdêñ aêac.

Têntac gêwiñ ñamôkê Anôtô tau

⁷ O lauace, takêñ têtac gêwiñ elom tau gebe têtac gêwiñ aña Anôtônê. Lau samob, tañ têtac gêwiñ nañ, têtü Anôtônê ñapalê ma sêjala Anôtô kêtü tôñ.

⁸ Nac tañ têtac gêwiñ gêc eñña atom nañ, gêjam kauc Anôtô, gebe Anôtô kêtü têtac gêwiñ ñamôkê.

⁹ Anôtô geoc nê têtac gêwiñ lasê kêpi biñ tecenec gebe eñ kêsakiñ nê Latu tagenñ gêmêñ nom gebe dangônñ matenñ jali êtu eñña.

¹⁰ Têtac gêwiñ ñam kêsêp aêac têtac gêwiñ Anôtônê nec atom, kêsêp Anôtô têtac gêwiñ aêacña ma kêsakiñ Latu mênkêkêñ tau kêtü da kêtü aêacnêñ secña.

11 O lauace, Anôtô embe têtac êwiñ aêac kainj teñ amboac tonañ, go aêac takêñ têtac gêwiñ elom tau tanac ñawaegen amboac tonañgenmaj.

12 Ñamalac teñ gêlic Anôtô atomanô. Aêac embe takêñ têtac gêwiñ elom tau, go Anôtô êmbiñ aêac tôñ ma nê têtac gêwiñ ênac dabiñ tau ênêc aêacnêñ ñalêlôm.

13 Eñ kêkêñ Ñalau gêdêñ aêac anğa tau nê Ñalau, tec gêwa aêac sa gebe tamoa dawñ Anôtô ma Anôtô gêmoa gêwiñ aêac.

14 Ma aêac alic to awa sa gebe Tama kêsakiñ Latu gebe êtu nom ñakêsiwaga.

15 Ñac teñ embe êsôm lasê gebe Jesu eñ Anôtônê Latu, go Anôtô êmoa êwiñ eñ ma eñ êmoa êwiñ Anôtô.

16 Ma aêac tajala to takêñ gêwiñ gebe Anôtô têtac gêwiñ aêac ñanô.

Anôtô eñ têtac gêwiñ ñamôkê. Ma ñac tanj gêmoa totêtac gêwiñgenj nanj, gêmoa gêwiñ Anôtô ma Anôtô gemoa gêwiñ eñ.

17 Aêac tec tamoa nom tatôm Kilisi gêmoa nom. Aêac embe taêñ ênam bêc mêtôcna totêtac êpa sugenj, go êwa sa gebe têtac gêwiñ gêjac dabiñ tau anğa nêñ ñalêlôm.

18 Aêac embe têtac êwiñ ñanô, go tatêc taunj atom. Têtac gêwiñ ñanô kêtiñ tatêc taunja su. Tatêc taunj ñam gebe taêñ gêjam sec ñagêjô.

19 Aêac têtac êwiñmaj gebe Anôtô têtac gêwiñ aêac kêtú ñamata su.

20 Ñac teñ embe êsôm gebe “Aê têtac gêwiñ Anôtô,” mago eñ embe têtac endec lasitêwai nanj eñ dansantêna. Gebe ñac teñ embe têtac êwiñ lasitêwai, tanj gêlic êsêac nanj atom, oc êtôm gebe

têtac êwiņ Anôtô, taņ galic eņ atom naņ, amboac ondoc.

²¹ Biņsu taņ takôc aņga ênê naņ tonec gebe Naç taņ têtac gêwiņ Anôtô naņ, têtac êwiņ lasitêwai amboac tonanņeņ.

5

Takêņ gêwiņ go taku nom naņaclai tulu

¹ Lau samob, taņ sêkêņ gêwiņ gebe Jesu eņ Kilisi naņ, têtû Anôtônê naņalê. Ma samob, taņ têtac gêwiņ tama naņ, têtac gêwiņ latu amboac tonanņeņ.

² Aêac embe têtac êwiņ Anôtô to tamansaņ ênê biņsu, oc êwa aêac sa gebe têtac gêwiņ ênê latui amboac tonanņeņ.

³ Têtac êwiņ Anôtô tau tonec gebe tamansaņ ênê biņsu. Ma ênê biņsu tau naņapac atom.

⁴ Lau samob, taņ têtû Anôtônê naņalê naņ, sêku nom tulu. Ma aêacnêņ takêņ gêwiņ kêtû taku nom tulu naņmôkê.

⁵ Asa tec oc êku nom tulu. Naç tagen, taņ kêkêņ gêwiņ gebe Jesu eņ Anôtônê Latu.

Anôtô gêwa Latu sa

⁶ Jesu Kilisi eņ gêmêņ na bu to dec. Eņ gêmêņ tobugeņ atom, gêmêņ tobu ma dec gêwiņ. Ma Naļau tau gêwa biņ tonanņ sa gebe biņnaņô, gebe Naļau eņ biņnaņô tau.

⁷ Amboac tonanņ sêwa-biņnaņô-sawaga têlêac tonec,

⁸ Naļau ma bu to dec. Ma êsêac têlêac tau tagen.

⁹ Aêac embe takêņ êwiņ biņ, taņ naņalac sêwa sa naņ, go takêņ êwiņ biņ, taņ Anôtô gêwa sa tonanņô

kêlêlêc su nan, amboac tonanjen. Biñ tañ Anôtô gêwa sa nan tonec gebe gêwa nê Latu sa.

¹⁰ Nac tañ kékêñ gêwiñ Anôtônê Latu nan, gêwê kaiñ biñ, tê Anôtô gêwa sa nê. Nac tañ kékêñ gêwiñ Anôtô atom nan, kékêñ Anôtô kêtú dansañtêna, gebe en kékêñ gêwiñ biñ, tañ Anôtô gêwa sa kêpi tau nê Latu nan atom.

¹¹ Ma biñ, tañ Anôtô gêwa sa nan, tonec gebe Anôtô kékêñ aêac danğôñ maten jali tenjen. Ma danğôñ maten jali tonan ñam kêsêp ênê Latu.

¹² Nac tañ gêwê kaiñ Anôtônê Latu nan, gêwê kaiñ êñğôñ mata jali. Ma ñac, tañ gêwê kaiñ Latu atom nan, gêwê kaiñ êñğôñ mata jali atom amboac tonanjen.

Biñ danğôñ maten jali tenjenña

¹³ Aê kato biñ tonan gédên amac, tañ akêñ gêwiñ Anôtônê Latunê ñaê nan, gebe ajala amac awê kaiñ anğôñ matem jali tenjen.

¹⁴ Aêac embe taten gên êtôm ênê biñ, oc êkêñ taña aêac, tec dandên en tana totêntac êpa sugen.

¹⁵ Aêac embe tajala gebe êkêñ taña biñ, tañ taten nan, go tajala gebe takôc gên, tañ taten nan, anğa ênê su.

¹⁶ Nac ten embe êlic lasi êñğôm sec, tañ kêtôm gebe ensen en su ênaña atom, nan eten Anôtô, go êkêñ en êñğôñ mata jali. Biñ tonan kêkanôn lau, tañ sêğôm sec, tañ kêtôm gebe ensen êsêac su sênaña atom nan. Mago sec ten gêc, tañ kêtôm gebe ensen ñamalac su sênaña. Aê jasôm gebe aten mec êtu sec tonanña atom.

¹⁷ Biñ geo samob tonan sec. Mago sec ñagêdô kêtôm gebe ensen ñamalac su sênaña atom.

¹⁸ Aêac tajalagac gebe Anôtônê ñapaê samob sêgôm sec atom, Anôtônê Latu tau gejob êsêac, gebe Sadañ tau êmoasac êsêac atom.

¹⁹ Aêac tajalagac gebe aêac aña Anôtônê ma nom samucgen kêsô Sadañ ñalabu.

²⁰ Ma aêac tajalagac gebe Anôtônê Latu gêmêñ, tec kêkêñ kauc gêdêñ aêac gebe tajala Anôtô ñanô. Ma tamoã dawin Anôtô ñanô tau gebe dawin ênê Latu Jesu Kilisi. Nac tonañ Anôtô ñanô ma dangôn maten jali tenjen ñam en.

²¹ O ñôc gêñac, ajop taôm êndêñ anôtôi jaba.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb